



Broj: 02/2-31-390/26

Datum: 06.02.2026. godine

Na osnovu člana 15. stav (1) alineja (2) Zakona o principima lokalne samouprave u FBiH ("Službene novine FBiH", broj: 49/06 i 51/09), člana 107. Statuta Općine Ilijaš – Prečišćeni tekst ("Službene novine Kantona Sarajevo", broj: 20/09 i 46/18) i člana 20. stav 1. alineja 6. Odluke o izvršenju Budžeta Općine Ilijaš za 2026. godinu, broj: 01/1-02-2984-9/25 od 29.12.2025. godine ("Službene novine Kantona Sarajevo", broj: 1/26), Općinski načelnik donosi:

ODLUKU
o dodjeli jednokratne pomoći
za novorođeno dijete na području općine Ilijaš

Član 1.
(Predmet odluke)

Odlukom o dodjeli jednokratne pomoći za novorođeno dijete na području općine Ilijaš (u daljem tekstu: Odluka) utvrđuju se kriteriji i način dodjele jednokratne novčane pomoći porodiljama čije prebivalište/boravište je na području općine Ilijaš, a koje su ostvarile pravo na naknadu umjesto plaće ženi – majci u radnom odnosu, za vrijeme dok odsustvuje sa posla radi trudnoće, porođaja i njege djeteta ili pravo na novčanu pomoć nezaposlenoj porodilji putem Službe za opću upravu, boračko invalidsku i socijalnu zaštitu Općine Ilijaš.

Član 2.
(Izvor sredstava)

Finansijska sredstva za realizaciju Odluke utvrđena Budžetom Općine Ilijaš na budžetskoj poziciji: "010/614200 – novčane pomoći – mjere natalitetne politike", a istu raspoređuje Općinski načelnik rješenjem na prijedlog Službe za opću upravu, boračko invalidsku i socijalnu zaštitu Općine Ilijaš (u daljem tekstu: Služba) u skladu sa utvrđenim kriterijima i podnesenih zahtjeva putem Centra za pružanje usluga građanima Općine Ilijaš.

Član 3.
(Period važenja)

Ova Odluka važi za period od 01.01.2026.-31.12.2026. godine.

Član 4.

Porodilja koja rodi novorođeno dijete u periodu od 01.01.2026.-31.12.2026. godine ima pravo na jednokratnu novčanu pomoć u iznosu od 300,00 KM (slovima: tristotine i 00/100 KM).

Član 5.
(Uslovi za ostvarivanje prava)

Pravo na jednokratnu novčanu pomoć priznaje se uz uslov da:

- a) jedan od roditelja djeteta ima prijavljeno prebivalište na području općine Ilijaš i to u trajanju najmanje godinu dana prije rođenja djeteta;
- b) majka novorođenog djeteta ima boravište na području općine Ilijaš i utvrđen status raseljene osobe u trajanju od jedne godine prije rođenja djeteta.

Član 6.
(Potrebna dokumentacija)

Podnosilac zahtjeva koji ispunjava uslove za ostvarivanje prava iz člana 5. ove Odluke, prilikom podnošenja zahtjeva na propisanom obrascu dužan je uz zahtjev dostaviti sljedeću dokumentaciju:

- a) uvjerenja o kretanju za oba roditelja;
- b) prijave prebivališta za oba roditelja;
- c) izvod iz matične knjige rođenih za dijete;
- d) rješenje o priznavanju prava na naknadu umjesto plaće ženi – majci u radnom odnosu, za vrijeme dok odsustvuje sa posla radi trudnoće, porođaja i njege djeteta ili prava na novčanu pomoć nezaposlenoj porodilji doneseno putem ove Službe i
- e) potvrdu banke o broju tekućeg računa.

Član 7.
(Podnošenje zahtjeva i redoslijed rješavanja)

Rok za podnošenje zahtjeva za ostvarivanje prava iz člana 3. ove Odluke je 60 (slovima: šezdeset) dana od dana rođenja djeteta.

Novčana pomoć će se dodjeljivati na osnovu podnesenog zahtjeva i po redoslijedu primljenih zahtjeva, a do utroška sredstava obezbjeđenih u Budžetu Općine Ilijaš za tekuću godinu.

Član 8.
(Stupanje na snagu)

Ova Odluka stupa na snagu narednog dana od dana objavljivanja, a objavit će se na oglasnoj tabli Općine Ilijaš i na web stranici Općine Ilijaš: www.ilijas.ba.

Član 9.
(Stavljanje van snage)

Stupanjem na snagu ove Odluke stavlja se van snage Odluka o dodjeli jednokratne pomoći za novorođeno dijete na području općine Ilijaš, broj: 02/2-31-613/21-5 od 18.03.2025. godine.

ODLUKU SAČINILA


Alma Kalajdzisalihović-Bezdrob

ZA TREZOR
ŠEF ODSJEKA


Nedžad Masnopita

OPĆINSKI NAČELNIK


Amar Dvojadžija



Dostavljeno:

1. Web stranica Općine Ilijaša
2. Oglasna tabla
3. a/a

